

## Эн эгл комсомолк билә

Йоста гидг комсомольцд эс гидж комсомолкд олна оньг туслго бәәхш. Тедн альд йовв чигн—эврәннь кәдлмшәрн чигн, бийән бәрлгъәрн чигн олдундас йилгърнә. Тиим улсин негнь—Сарпинск района 2-ч номертә совхозин комсомолин организацин сегләтр, совхозин клубин заведующ Вера Яманова.

Төрскн газртан ирсн даругъан Вера хар кәдлмшт кәдләд, эврәннь шунмгъагъан олдн үзүллә, йоста гидг комсомолк билә.

Энүнә чадмгъаднь иткәж, поссоветин шиидврәр совхозин клубин заведующ болдж Вера орулгдла. Эн үүлиг Вера йоста кевәр, чадмгъа-

гъар күцәджәв.

Шидрхн совхозин комсомолин организацин тоочана болн сунъгъврин хургт Вера Ямановад ик гидг күндтә кәдлмш комсомольцнр даалгъв, комсомолин организацин сегләтрт энүг сунъгъцхав.

Туурмәж эврән ирдго биший. Тер учрар Верад цуг комсомольцнрин иткл энүнә күч-кәлсн шунлтас ирсн.

Веран кәдлмшнь ик болчкад олдн зүсн. Нег үлү ода, Халымг АССР-н Деел Советд сунъгъвр болн ВЛКСМ-н 40 өбн өбрдәж йовхас иштә Вера олна ик кәдлмш кеджәнә. Эн өдр болгън фермс, бригадс эргәж йовдәж, комсомольцнрин, цуг күч-кәлсчн-

рин бәәдл-джиргълләннь таньлдсн деерән, теднд газет, журнал умшәж өгнә, сунъгъврин туск материалмуд цәәлгәдәж өгнә, фермст болн бригадст боевой листокс гаргъна.

Асхнднь болхла, багъчуд эврәннь амрлгъан клубт ирдәж өнъгрәцхәнә. Вера клубдан сәәнәр, чадмгъагъар багъчудиг соньмсулна. Мал өсклгәнә, научн төрмүдәр, газадин орн-нутгудин болн мана орн-нутгин соньна туск күүндврмүд Вера багъчудла кенә.

Энүнә гардврар ик концерт белдгдджәнә. Эн концертән элдн сунъгъвр болх өдр совхозин күч-кәлсчнрт үзүлхмн.

С. ВАНЬКАЕВ.